

مکرمات و انوار


❁ ادبی و سیاسی رساله اسبوعیه در ❁

۳۱ نجی سنه

۵ رجب ۱۳۳۰

❁ پنجشنبه ❁

جلد : ۱۴ - جزو : ۱۵۱



سليم ثالث زمانده انكليزلك استانبوله هجومي

محرري
مورخ دريول

(مابعد عن جزؤ ١٥٠)

(سباستيانى) نك معيتمده كنديسييله برابر چاليشانلر . (لابلانش) و
(لاتور - موبور) نامنده كي سفارت كاتبلرى ايله ضابطاندن يوزباشى (دولاسقور) ،
ملازم (دوزاقر دوفلوراز) ، (زهرار) و ناپوليونك (دالماجيا) ده كي اردودن
بالتفريق اعزام ايلديكي و انكليز دونخاسنك استانبول اوكلرنده كوزوكديكي
كون شهره مواصلت ايتمش بولنان (بوتن) ، (نوقلر) ، (قوتايو) نامنده كي
يوزباشلر ايدى . بو اوچ يوزباشى ورودلريله برابر طابيه انشاسى عملياتنه نظارت
ايتمكه باشلاديلر . اوكونلرده لاجل الزياره استانبوله گلش اولان فرانسز اعيانندن
موسيو (پونته قولان) ١ ده انشا آتة بالقعل اشتراك ايتمش ايدى . اسپانيا
سفيرى ماركي (دالمه نارا) دخي معيى كاتب و ضابطانندن (مندريزا) قارنهره رو ،
(پهرمز) ، (مهلن) نام ذوات ايله مدافعه عملياتنده بر خيلى خدمات ابراز
ايدمك اسپانيول نفراتندن مركب بر طوبجى بولو كي تشكيل ايتديكي گي روملره
هدايا و بهايا و يرمك صورتيله فعاليت و غيرتلىرى تزييد ساعى اولمقده ايدى . بتون
بومساعيدن مقصدى ايسه انكليزلك عنف رعونت و عظمتنى قيرمق ، كنديليرنى
تشتلرندم عدم موفقيه دوجار ايلك آرزوسندن عبارت ايدى .

١١ (پونته قولان) ، بوناپارتك مبادى نشأتمده كنديسنك مزباحتى تقدير ايله حايه
ايتش اولدينى حتميله بالاخره ناپوليونك پك چوق اعزاز و احترامنه مظهر اوله رق خراس
محباتى صرمه سنه كچمشدر .

هر طرفه و بالخاصه سرای بورنندن یدى قله به قدر ممتد اولان نیم مقوس ساحلك باشند نهایته قدر هر قسمتمده دشمنلرك كوزى او كنده دیوارلر یوكسلكده ، قلعهلرك اوزرنده برجلر پیداولمده ، بر طاقم خانهلر نابید اوله رق یرلرینه طوبراقدن طایبهلر وجوده كلسكه ایدی . هر نقطهده بیكگرجه عمله قوشوب چالیشیور . بتون سواحله دوكلش اولان خلق بر طرفدن یكدیكرینی تشویق و تشجیع ایتكله برابر دیگر طرفدن بلند آواز ایله انكلیزلره قارشى غیظ و نفرتلرینی اعلان ایلیورلردی . عین زماندهده هر قلعه نك ، هر برجك و یا طایبه نك ، اوزرنده طوبلرك تهدید آمیز آغزلری صره لیور ، مرملر كومه تشكيل ایدیور . سواحلك او كنده ترصد وظیفه سینه مأمور كیلر و یانغین ایچون استمال ایدیله جك صنداللر دیزلیور ایدی . بوغازه حاكم بر موقعه اولان قز قله سینه بیله بر قایق دانه بیوك طوب نفل و تعبیه ایدلمش و حتی قزغین كله آتقی ایچون برده اوجاق انشا اولشمش ایدی . سلیم ثالث هر كون عسكرك آره سنده بولنیور ، بعضاً یاپ یالکز ماشیا كزیدیكى اولیور و بعضاً دخی فرانسر سفیری رفاقتنده اولدینى حالده طولاشیوردی . كرك عسكرك ، كرك سائر چالیشانلرك شوق و غیرتلرینی تزئید ایچون متمادیا ابدال عطايا ایلیور و دولت علیه نك مهندسی ایش كبی النده هب فیل دیشندن بر آرشین بولندیوریوردی . هر كسه قارشى خاطر نوازانه معامله و روی التفات اظهار ایدیور ، مهندسلره ایراد سوال ایلیور و بعضاً بطاریه لرك مساحهلرینی بالذات كندیسی اولچمك صورتیه معینه نمونه امتثال اولیوردی . مشارالیه بویله چالیشیركن احتمالكه كندیسنك محب حشمتشعارى (نابولیون) . لایق بر دوست اولدینى ذهابندهده بولنیوردی .

دیگر طرفدن درت بش صاحب عزم و همت آدمك تهللكلى ووخیم زمانلرده فصل بیوك ایشلر كوره بیله جكنی ده بك زیاده تقدیر و حیرت ایله تماشا ایتكلده ایدی . حتی فرانسلره قارشى حس ایلدیكى توجه و علناً و صراحة اظهار ایلیوردی . بر كون (سباستیانی) به بتون رجال حكومتك و سفارت مأمورینك حضورنده « سفیر افندی ، سرك در سعادتمده بولمكیزی بر لطف

الهي اوله رق تلقى ايدييورم . بگا ايغا ايديگنلر خدمتى هيچ بر وقت فراموش
ايميه جگم . بو كوردىگنلر ايشيگنلر ايله هيچ شهنشاه سز متبوع مفخمگنلر آمانه
بحق خدمت ايتمش اولديگنلر . ديمش ايدى .

فى الحقيقه بومساعى فعالانه و عجولانه نك دهايلك كونلرنده طوبخانه و ترسانه دن
بر چوق طوبلر كتيريلاهرك سواحل اوزرينه ديزلمشدى . يوز باشى (بودن)
طرفدن تنظيم ايديلن بر دفتره نظراً بش كون ظرفنده يدى قله دن طوب قبو
سراينه قدر اولان ساحله (۱۰۲) طوب و (۶۹) هوان طوبى . صاغ ساحله
(۲۴۰) طوب و (۱۲) هوان طوبى ، بوغازه قارشى گلن ساحله (يعنى طوليه باغچه دن
اعتباراً يوقارى طوغرى اولان اقسامه) ۸۴ طوب و ۱۵ هوان طوبى . اسكدار
جهته ۹۴ طوب و ۱۴ هوان طوبى ، كه جمعاً (۵۲۰) قطعه على العاده طوب و (۱۱۰)
عده ده هوان طوبى ايميه ايدلمشدى .

بو استحضارات و تحكماات ايلريلدكه خوف و اندیشه يواش يواش زائل اوله رق
آنك يرينه بيوك بر شوق و غيرت قائم اوليور و دشمنك قريباً قهر و مغلوب
ايديله جكي اميدى خلقك ازدياد نشئه و نشاطنى انتاج ايلوردى .

شباطك (۲۸) نجى كوفى انكليزلر استانبولدن ايكي فرسخ مسافه ده اولان
بيوك آطه يي ضبطه قيام ايلديلر . حال بو كه آطه ده واقع بر روم مناسرتينه آلتمش
قدر بهادر افراد تحصى ايلشردى . بونلر انكليزلرك مناسرتى ضبط ايجون وقوع-
بولان بشون هجوملرني دفع ايله بر چوق عسكزلريني اتلاف ايتديلر . نهايت
انكليزلر بر ايش كورده ميه جكلريني آكللايه رق تكرار صنداللايه ره را كبا رجعه
مجبور قالديلر . بو وقعه بر قاج ساعت صكره استانبوله عكس ايلنجه سكنه پاى تحت
بوى غلبه قطعيه به بر دال خير اوله رق تلقى ايلديلر .

تكرار ايله فرانسزلر بويله وقت غائب ايتكميزين بو قدر مكمل استحضارات
و تداركات ايله اشتغال ايلدكلرى صره ده عجبا آميرال (دوقوورط) ايله (آر بوتنوط)
نبايقده ايديلر ؟ هر ايكي سنك ده ايلك بر قاج كون باب عالينك ، او كندينه خاص

اولان ، مذاکرات تعللکارانه سنه آلداندقلرینه شبهه ایدیله من . مع مافیه بو آلدانمەنک
اوزون مدت سورمدیکی و سورمهیه چکی ده محققدر .

آنلری بویله قرار سنر و متردد صورتده بر قاج کون توقفه مجبور ایدن باشلیجه
سبب ایسه اوصره لرده اسن روزکارلرک . کیلرک بومباردمان ایچون موافق وضعیت
آلملرینه مساعد اولمامسیدر . صکره استانبول سواحلنک اویله بر باشند دیگر
باشه هر قالیردن بر جوق طویله . وسائط تدافیهنک انواعیله تجهیز ایدلدیکی
کورنجه بو قدر افواه ناریه نک کندی کوچک دونمالرینی محو ایلیمه چکی . بیوک
بر هزیمته دوجار اوله جقلرینی آکلادیلر .

دیگر طرفدن جناق قلعده تحکیمات و تسلیحاتک کال سرعت و فعالیتله ایلرلدیکی
و بناء علیه عودتده بوغازلردن خروجک پک متعسر اوله جفنی ده بیلورلردی .
ایشته انکلیزلر بر قاج کون دورندن صکره بتون بو احتمالات موحشه یی هر
درلو نتایج دهشت افزاسی ایله دریش ایدرک کرک خشکاره و کرک باب عالییه
قارشى طور متحکمانه لرنده دوام ایتمک ایستدیلر . بو صورتله کرک دونمالرینی
و کرک نام و شرفلرینی پک احتیاطسنجه وضع ایتدکلى تهلیکلى ، بحران آمیز
حال و موقعدن استخلاص ایلیمه چک ایی کوتی بر اشلاف عقیدنی امید ایلیمه
ایدیلر . بناء علیه هم بو امید ساقه سیله ، همده قورقودن علی الجملة فراره مجبور
اولمش کبی کورنمه مک ایچون حرکت خصوصنده تائی ایله طاورانیورلر ، چالمرندن
بر درلو صرف نظر ایتمک ایسته میورلردی . حال بوکه آنلر ایچون آرتق احتمال
موفقیت تمامیه منقطع اولمشدی .

اؤ کونلرده جریان ایدن مذاکراتی هپ (دوقوورط) اداره ایش ایدی .
سفیر (آربوتنوط) ایسه ، هم خسته بولندینی و همده عدم موفقیت حالنده
مسئولیت یوکلنمکدن چکندیکی جهته هیچ بر شینه قاریشمیدی .

(دوقوورط) شباطک ۲۱ نجی کونی اسحق بکه اؤ شدیدالمال اولتیماتوسی
تودیع ایله و جوابکده نهایت ایرتسی کونی آقشامنه قدر ۳۳ حال اعطاسنی طلب
ایتمشدی . باب عالی ایسه آیک ۲۳ نده جواباً ویردیکی بر تقریرده انکتره نک

بو ايشده مرخص مسئول اوله رق كيمي تعين ايلديكنى صوردى . مع مافيه بو تقريرى اعطا خصوصنده ممكن مرتبه التزام بطائت ايدرك بر قاچ دفعه لر تاخراته اوغراشمش و بو تاخراتى معذور كوسترمك ايجون تقريرك ترجمه سى اوزون سوردىكى . قايق اتخابى ايجون اوغراشلايدى ، قايفك نه طرفه ياشه جنى حقنده دوشلديكى . انكيزلر طرفدن اظهار اولنان تمايلات صلح و روانه نك بادي . امنيت اوله مدينى و نهايت مملكتده افكار اسلاميه نك پك متبع بولندينى و بناء عليه انكيزلرله بولوشوب مذاكره مباشرت ايتمه نك تهلكه دن سالم اوله ميه جنى كى اسباب درميان ايلشدى .

شباطك ۲۴ نجى كوني صباحى (دوقوورط) هج بر مقصد تجاوز بسلديكى حقنده يگدن تايمينات ويردكدن صكره باب على اكر كنديسناك محافظه سنى تكفل ايدرسه مذاكره ايجون هر ايستنيان طرفه بالذات كله جكنى بيلديردى . مع مافيه عين زمانده . طوب قيو سراينك ديوارلى اوزرنده يگدن سكر قطعه طوب مازغالى آچلديغندن بحث ايله آرتق صبرينك توكنمك اوزره اولديغنى و ايكى كون ظرفنده مذاكره مسئله سناك همه حال بر نتيجه قطعيه يه ربطى لازم گلديكى ده علاوه ايتدى .

حال بو ، كه ده ااق كون آقشام اوزرى تبديل فكر ايدرك شهرده سرعتله وجوده كتيريان تداركات تدافعيه دن طولاي شدتله شكائتى و اوچ ساعت ظرفنده جواب و يرلسنى و ياخود مرمره ده اله كچه جك بتون سفاسناك درحال غرق ايديله جكنى متضمن بر خبر كوندردى .

باب على يوم مذكورك كچه سى محل مذاكره اولمق اوزره ، آسيا ساحلنده يدى فرسخ مسافده واقع بر حصارى تكليف ايتدى . ايرتسى كوني ، يعنى ۲۵ شباطده (دوقوورط) تكليف مذكورى قبول ايلديكى و فقط كوستريان محلك اوزاقلغه بناء بالذات كنديسناك كيدميه جكنى و يرينه ويس اميرال (لهويس) كوندره جكنى بيلديردى .

اق صرمده ایسه بر اوافق ضابط ایله درت نفری محتوی اولان بر انگلیز
قاییقی عثمانلیلر طرفندن ضبط ایدیلرک اسکدار طرفلرینه چیقارلمش و اسیراً
آلیقولنمشدی . آمیرال (دوقوورط) ضابط ایله افرادک درحال تخلیه سنی طلب
ایتدی .

آیاک ۲۶ سنده انگلیز آمیرالی بسبتون صبرسنز لانغه باشلادی . بر کون
اؤل باب عالی بر قاییق کوندروب انگلیز مرخصلرینی آلدیره جق ایدی ؛ حال بوکه
قاییق ظهور ایتمه مشدی ، بوگا سبب نه ایدی ؟ اسیر ایدیلان بش انگلیز آلآن
تخلیه ایدلمه مشدی ، بو نه یه دلالت ایدیوردی ؟

(مابعدی وار)

ع . و

